

寶雲詩集

積雨編

漏霜南潛者

積雨限韻



濃墨雲痕蒼弁東昭潭響石夢還同水堂面向聽
鳩婦濕樹灘灘叫郭公遲暮青藤難甲拆驚疑芒
種乍壬逢天隨艇小茶烟壓爲報松江蟹斷通
簷頭歷歷燭頻更耐把清聲入句評水遠四牕鳴
北渚風掀萬卷冷南榮爭誇雨點如飛翰借問雷

車可佐耕屏上西江路迴折茫茫指點未分明小屏
風上西江路宋人語也
憶衲子雪舟未歸故云

寒玉瑋琮水一廬上元聽到月重除早知花木同
黃土悔不田園儘種樗杳杳情懷荒古上昏昏永
日小年如摧頽頓領雲山衲耐得風窸亮榻虛
清澗無情只向東那知苔雪感懷同溪塘波擲分
魚子野廟灰寒惱社公看點詩聯人黯黯桃花村
冷鼓逢逢茅齋也想各安舫浩蕩從教四壁通

蘭葉詞

新晴日
創體

木蘭檝放看蘭葉蘭葉蘭花青可憐淺青深綠兩
依託春風駘蕩花葉鮮

春風緩緩吹葉開花身側開吹轉來來與水堂主
清供讀到樂府臨高臺

又

日色淡淡上人衣漁舍落落開水扉水扉蒸成茵
釘紫紫芝青蘭雙鷺飛

雲林墨冷一條水分來詩燈入畫燈燈傳無人古
香歇春山出沐水雲蒸

白兆來續積雨詩復用其韻

暗助文章雨最賢古來傳是鍊詩天靜依樵几憑
來聽游恨春山記少鏤浮去詩瓢誰得價淹將石
菊不成錢風光冷置黃磁斗蘭到更深香白圓
捧釣煎茶想舊賢漁樵風氣沒鷗天青堆波浪山
同香淨洗琅玕句好鏤錦繡段看江面綺龍鱗紋

點樹身錢思量畫譜梅花法鐵餘水枝冷識圓

胎簪居士扶病訪余病中季姪侍而至時許
君同在坐許舊受業胎兄深醫學

身要人扶氣未銷鳳鸞清嘯集船寮溪通綠漲侵
門水柳未豐垂蓋妨條隱有韓康稱弟子游期葛
場作雙樵水軒遣病連綿話興似錢塘過午潮

茅屋墩

圍潭最得蒹葭意四五里推茅屋墩更無橋板水

中接指點鳥寒飛過村放眼樓嫌三面閉半枯松
說六朝根經箱扇向題牆字春雨茫茫暗墨痕有巷
先翠榆先生詩并白
華樓前輩諸翁遺墨

乍晴

村裏獅看霽雪中平橋二月又垂終波晴鳥下呼
雙浴花緩藤先試小紅最後番風門口棟乍相當
景屋西虹青苔上桁衣痕綠淡日移同細草烘
觸眼江湖碧一叢樹中帆葉影西東風揚絲網船

還歇泥上桑園屐未通洗硯烏隨沙際立抽詞蘭
取調相同菜花減莫頻惆悵老眼看償霧裏紅
初晴日芝筠過水堂

此政曬蘭葉汝來閉其評浮吹天末霧榻話郭西
耕詩味雪溪水游心少室行相持病船子小佳聰
餅竿

病中寄訊香谷代書

春蘆透笋一湖綠噴雪浪花吹到籬布兜著肩黃

面子挂了後廳閒坐時

雨後詩

山門口蕩未成殺數里外松先作濤病起儘辜新
雨色衝風難與撥輕舸

午晴

時讀王荆
公遺事

蒼鷹翅摩霄志取在塵土誦書金石聲竭力叛鄒
魯畫眉悅初晴宛轉呼樵父呼之何爲爾巖花開

日午

竹浪詩念鴻不返也

兼樵直塲歸自言悟竹浪尋名領空際乍得意所
向風鋪綠參差聲至各清放路轉激寒鳴渺渺江
在望因之念秋鴻遊踪烟水上

四月十七夜焙茶

亦畧近烟火終於山水親清夜盡浮質寒峯生遠
神晚知書畫益心向此中淳氣候分深淺孤懷誰
共陳

寄香谷在於鴻雪

寄聲賣菜船問汝碧蘆天
身住惠崇畫貧居神鼎
先山水癖類我高譚清
尚然錦谿三十卷寫就
放人傳

六月初晚熱有作

濕雲閣雨一堆頑
逼射斜陽少樹環
耐掩水扉三十度
隔溪秋蓼喚看山

清曉草木香陋近學也

清曉草木香谿窻動書葉
古人不能言清風聲獵
獵黃河跋扈行漢後幾迴
摺誰能導安流九土功
難貼江村困桔槔永夜勞
歌怯浩浩引憂長高言
廢陳篋

桐

含霜吐雪韻蕭疎洗出新
青宿雨餘落影四牕全
慰我當頭明月最關深
祇言小坐題詩益不負
先年帶雨鋤安得化身千
億本濃陰冷盡水邊廬

咏核桃

風吹皺浪玉崢嶸五岳真形就裏擎腸日九迴愁
結聚心經百折路縱橫髓疑王烈食來石地記張
騫得處各乍澀齒牙休擲棄從來皮相失丹誠

雲谿

柳動拂烟條風揚暑新退雲影與漁謳共落晴潭
內

寄王公範

松底陶弘景瓜圃步子山古人還未墜清事喜相
關密綠市聲隔空青鳥跡閒能來釣潭否雙焰共
秋顏

祖弓至補船渡水不得立沙際久之

隔水看同沙鳥停斷橋秋霽樹冥冥呼將漁艇風
初急影落蘋絲衲半青

小雪第四日寄金孝章

燭下方瞳綠猶抄夾注書松窓典還爾藥杵定隨

疎得報江楓赤愛羸掩戶如白頭悲兩地難共看
山與

挑薺

清作碎冰聲北風吹岸草草中薺葉蟠綠若秋水
藻含膏味深匿鬱秀貞自保所惜衆卉凋不共歲
寒老誰能領其真警彼性靈天

冬夜

歲殘作惡舊情悰病感衰涼又一重淡墨昏昏烟
入夜枯絲索索柳垂冬村緣船補偏宜水霜爲巷
名一倍濃我就西峯此誰賞蕭寒閒殺好谿容

秋岸兼樹歸自西荒

文章造微一合一離山情水性可喻而知我去西
荒四換柳絲如嗜茶人輟飲長思分甘易合茹苦
則岐荒何可愛窮寧共持彼二子者殆違于時

湖上秋遂來漏霜夜話

枯樹婆娑乍飛動相遭歲寒潄水西忍來一載言

尤吉坐盡孤燈氣未低
句到饒歌愁讀破詩輕小
序抹前題感懷不獨詞場墜
祇說詞場意已悽

題研農畫扇二律因馳遠懷

好詩關鍵透入畫面面空濛
筆筆涼紅淺微陽谿
候變青深老葉嶺陰長
游程得句秋心古茗會留
僧野語香草蕩舊期
經歲改屏園人又在西荒

詩成不與公卿見清致
當年愛石屏

戴石屏題徐京伯通判北

征詩卷不與公卿見徒為篋筒奇

幾個稻畦袍者在庶幾敲鉢句

同醒廿年離影樓中望一簇秋聲扇裏聽
南雅思

君作模楷要看東晉舊黃庭

詩上門人有南雅之刻附求吟卷

病中得人殺悟雪齋詩感咏迴環簡羽南居

士

病逢故人得上藥老追昔游真隔生高文闕世聲
猶定大雅傳家調未更阡陌忘來山格遠歲寒悟
後雪香清重尋不惜踏漁路柏子一爐烟象橫

霜樵從洞庭來

亂水輕裝正及晨一湖霜色驗清真
身當殘病看逾冷向到隔年提更新
稍廣異聞思晉帖笑經迷路合漁津
敘來行路難深苦樂府懸知筆有神

趙拜石結苕溪游想病後復寄

心馳草蕩通遠夢圖挂長蘅空臥游
山水書畫情一種收藏鑒賞難
僉優折肱成醫我安信藥杵經秋疾未休
側聞天隨肯放艇枯葦寒蘋烟彩浮清絕苕溪艇又移
西湖一角遠天垂巖腰去試登

山脚鹿眼重編灌藥籬招隱風吹飛葉信卜鄰話
擬剪燈期簇新縹緲冬遊記定共前頭草蕩時

題畫

蒼然古風氣老樹秋崖得夕陽宛轉情與他好顏
色

書黃葉老人少時事

金明池頭初負笈梅花一株破窓入橫斜數尺掠
書籤坐不剪除如熟習後來一寸黃葉集依舊冷

香清獨立

深夜看天眉作題畫詩

吟路躡天半如支入嶺藤燈光靈句采霜氣峭衣
稜涼遠果深味浮華定不應從知老船子篙足慣
敲冰

茶花

寒烟結古香不肯離崖石誰能受塵土拈湯東風
陌東風吹桃李不及崑頭茶崑茶避衆芳歲寒矜
素花花亦不同妍香亦惟孤許同妍自成谿孤許
誰赴汝

憶昔

憶昔西荒始落帆屣力健盤雲敲寺門枯草霜一
寸蠅蠶下佛火茗汁夜中勸堂空受嶺色寒綠發
高論人影淡三更剪燈花自噴

冬村野雀謠

野雀不知讀官曆暖日晴雲春至的櫻桃卸葉枝

玲瓏相喚枝頭啄花喙爲我謂雀方今歲寒明朝
凍樹踏不得頃刻晴光好把看

夜及半問寮中搗書葉聲

青松與黃土未葬古人心新意陳編得孤光夜刻
深味同烹曉汲路似訪高岑遠嗜不能已自忘霜
力侵

因靈珏未有南雅之刻簡篋中新舊詩卷

詩人自昔稱餘事南雅從今定古聲口碑歲晚徵
文行吟軸鐙前半死生雁影寒潭思萬里竹梢晴
雪灑三更遠心如許寒如許不放鍾磬浪品評

細雨中兼樵往石屏取藥器

未憎沾袖雨要沐過船山寒綠貌非昔輕烟飛甚
閒去與溪光別看隨藥竈還幾家舊樵社離合尚
相關

墨盡

漆無一點益詩眼惜着如金思畫評浪得溪山扶

杖手沒銷磨處只闌行

憶先師每深秋過澗上輒命竹輿曉至堯封
促潛同行從靈巖後山路折入先師棄潛兄
弟此事長絕甲寅冬至前一日泣而筆記他
日寄昭法讀之共愴然也

後山秋訪路紅樹兩輿行入戶舊峯對坐深寒
生逸事此堪畫孤懷聽世評人間徐孺子隔地一
吞聲

蓴花

端五前一日衲子採蓴
銷夏灣口得蓴花歸

所尚在清柔離塵自高韞減樣碧芙蓉涼房斂尤
謹沉冥烟波中亦足名香隱寄言譜花人豔卉何
凡近

蒲扇

能使山堂夜江湖風浩然分將持釣手重引浪游
緣色隱前秋綠涼搖別浦烟何須玉柄塵坐握冷
高賢

寶雲詩集
與諸子雨坐

未必暑全退眼憑藤架秋透磚驚逸笋下幙倦空
鈎富各說山水貧惟缺一舟勸游新雨點飛綠小
軒頭

齋後出坡獨行殿角

渡湖雲緩去未去蒸花日薄閒復閒人聲淨盡雙
鳥語一尺東簷豆綠山

寄壽鄭桐菴八十

廢詩頂切壽詩禁破例桐菴寫壽詩三十年深箋
得易一千仞峭樹無枝耐煩眼明足磊落如此溪
山要護持澗上前月寄聲我破除畫癖遵其師

葡萄架

打眼溫家一幅圖水雲潑着墨模糊相期明月含
珠子亦有新涼到老夫闌葉鈎成顛草法濃陰錯
把綠天呼青藤不要愁孤調潦倒題詩點畫癡

爲青迴作野表堂詩

古人去不遠天地留其野夕陽山外山亦昔能言
者風吹縹緲峯峯樹綠瀟灑頗思開野堂遙心幾
迴寫誰能立其表老葉看秋楮

出坡

樵作水聲裏高林冷曉坡蓋頭雲共路灑袖葉無
多提着古人話一廻崖石磨誰家定僧史荒外取
新科

樵得芝草

若使終藏得從教百尺長浮名浪成瑞古路不辭
荒一吐樓臺氣安身怪石旁西山足遺跡四皓舊
篇章

僧從山足來復得一小芝

亦壯草堂色欣看子母芝文章幸無異風雨共寧
辭異紫待才老爭奇此一時晒他真語裏只作蹏
雲思

得靈巖僧兄書

參差湖中峯鬱鬱綠相連相連亦相望不忍長棄
捐孤峯烟以南孤峯烟以西兄弟同一根各時雲
濤間此夏五端九天上聲鏘然孤心託平昔紙短
意那傳况復恥雷同懷匿不敢前

北宋惜古逝法書幸猶傳先師起其衰躑躅思後
賢我欲竟此語鯁寒不可宣知不惜語少不知墮
秋烟安得一執手泣對滄浪天兄能知我者我亦
心相懸

吹燈讀兄書燈暗墨采鮮各永山水心銷此華髮
年書中道西荒荒遠任絕緣便從靈巖始荒荒安
足愆捧書讀三歎兄能知我然

剪落日嶺至松篁塢夾路草爲閭月課

輕雨濯樵徑永日秋心生餘雲作山影蓋我松中
行仰嶠遺事佳刈茅人浪評西荒領諸子古韻欲
一賡何必落子聲石路如紋枰懷高絕勝負灑耳
幽鳥鳴樵客所不避小立村語清村語荒故好村

烟夕尤明

風雨中立寺門

嶺頭落日連朝斷
塢裏松篁儘意吟
籠烟樹惜留
枝果盲雨巢悲哺
子心

資慶寺

泉聲與木葉併作寺橋寒
銷夏到門得前灣更路
盤濃陰可留坐
破殿黯相看乍似峽中日傾崖一角丹

拾松子

百尺歲寒心蒼然在其子
不惜墜塵土嶄嶄經石
齒伊作仙人名胡爲蓬蒿裏
伊是仙人飯行蟻安
可擬

面面峯

縹緲若花蒂層高始此峯
一規攢瓣綠數匝亂烟
重山水轉愈妙游心秋倍濃
芒鞋任南北葉路那
尋蹤

松篁塲

信是歲寒侶同心不棄捐雲留乍生白風激亦成
漣僻稱清音度春歸衆木妍何曾但岑寂涼雨鬧
飛泉

枯樹根

千年之上古風雲飄忽酷裂無一存欲知其狀問
枯根石如蟠龍蒼根走其中白日西下嶺月如水
下視百世如層谷底後不見我髮脫無已

題壁

垣石裂春冰西照射不消短草如老髮羨彼青綠
饒古人不慟哭百世近可招寂若無後鑒焉令神
氣超

讀長江集題皇甫荀藍田廳句云竹籠拾山
果瓦瓶擔石泉

落日遠青來相去三百里餘雨作湖烟烟村蕩秋
水遠青與近青離合不相似烟水合村光詩心幻

如此詩人與廉吏一淡同其旨孤往得清宗所遇
咸足喜

四皓祠

烟水卽遺貌荒祠高樹根支門憑石鼎典譜有樵
孫合坐未孤立野心隨共論寧須繁俎豆栢葉古
香存

喚得石公起應成五老人此中來避漢商洛向逃
秦角里偏饒跡梨花作素春其餘三隱宅喬木豈

終淪

落日嶺

往往祗叫絕作詩都未能此回遇其淡尤喜峯如
澄到眼別州綠凌崖隔塢僧秋新眺宜遠約上最
高層

採秋茶

秋心吹亦遠綠樹圍不住所悅雲泉涼同味得新
慕衣仍春焙香鞋已飛葉路崖荒日多永草木自

爲度

浮家好

寄箬廬
居士

浮家好西塞山頭江月小
道士泐前花浪青苔谿
縹冷苔花繞在此在彼綠
蓑衣蓋船頭得山便了
賴泊泊大江之水將讀書
眼目洗教清世間志書
上一行兩行分科夾註此
生不復到刺頭索其分
曉當年江上漁郎隨我侍
掃葉老翁湘船桅下祖
孫父子拍手高歌此樂人
間更不過西荒人老短

髮白其五六一船何處渺
渺秋鴻相視無言聽曉
鐘經心尚有張墩如此風
波不可行此中七十二
大青大綠一高一下未必
勸西荒截流而去老不
強自作主聽青山語當年
好凌駕漢鏡歌作古樂
府荒荒老不復能爲製得
船歌不今不古伎奈何
只爾寫付洞庭樵子爲余
馳寄箬廬中人笑讀柴
門裏

曉起見藤葉蓋地

涼鳥唱朝烟亦作春林鳴蕭條墜秋綠一一金石
聲志士扣中懷歷變節益明西偏嶺口缺東偏崖
勢縈斜月白在地墜綠相與清同途信所樂異亦
足相成

蒼舒居士來落日嶺寫余病影作短歌更索

畫漁舟圖

秋心遠放華亭水少個漁船或船子蒼舒詩畫志
和才楓葉蘆花涼滿紙筆牀廢置閒更閒松子一

籃茶竈間煩君揀撥蓬牕口袖手衝雲看曉山

九月廿四日與鴻子坐西嶺平沙作絕句一

曰黃葉之詩

斜陽黃葉互深淺沙脚坡陀倚坐低石上且看雙
影在老來孤字最難提

出西湖履積雪至落日嶺作詩別之

遠嶂如睇人孤烟不能合別非道里長思共寒波
匝望望龍攫松耿介立窮臘無情亦傷離誰言嶺

無谷

東嶂

東嶂緩初日躍出試朝采殘雪漏濃青山容乍微
改窄屋傲漁舟亦足蕩烟靄踪知幾日留待此梅
花蕾

絕句

一匝屋頭山翠濕兩廊掃地葉聲乾塚間樹下風
現在華表空思鶴語寒

栗葉謠

栗葉無文章疎挂猶八九風霜見相摧相視思相
守

鴻讓侍樵堂

舊影寒燈下行書又解囊閒提十年事憑藉五更
長灑雨倒如葉危崖複小牆茫茫花海裏春至一
扶將

糊牕

幅幅凝霜炤格裁
樵堂飛不到塵埃
白雲莫訝苦
相拒清曉看山我自開

鴻述毘陵有孤龕峯頂者

裁受蒲團屋一間
單丁敲火四圍山
松聲冷峭天
風蕭吹得啣花鳥
倒還

名西軒曰半蓬

四牕翠暗半蓬霜
六幅青蒲不遣揚
玄真箬笠天
隨竈更載蒙茸蠹紙箱

從今不用繪華亭
收拾絲竿靠紙屏
只似停橈夾
山漾玲瓏山鳥一叢青

凍雲靄乃似漁家
却怪樵裝出澗沙
澤國魚龍寒
寂寞一林頭
角露槎枒

寒江釣隱雪消時
繫在蕭梢栗樹枝
手補蓑衣待
春雨石鱸松火饌
蓴絲

冷雲瑣碎漾書籤
東嶺浮來月一簾
山鳥報更林
影墮滿牆藻荇又新添

半蓬新唱少人賡烟水從將鷗鷺盟還到鴛湖訪
巢叟乞他匏種製樵笙

語巖方洲

綠隱易成陰人間尚斜日高談且安坐畫品論未
畢雲間那可輕古路清不失畫格以言書南宗定
無匹山水似論交以淡為其質書畫如山水遠心
無近筆

樵止除夕

過望三間屋餘年退院僧耐敲寒石火受理凍花

藤山喜名非噪

東石澗一聚峯巒未得勝概名故辦

游忘具不勝樵

堂春病減扶入亂雲層

曉挈鴻讓澗上行各其澗日莒蒲石流

丙辰元日

石氣潔寒暉雲根壽青骨得竹之高操九節老突
兀香得松之冷空明泉洗發天地間真氣結集那
可沒行行遶霜澗清語動毛髮石流與佳各配立
梅花碣清羸五十年尋藥行勃窣樵綠富仙餌寧

獨山水窟詎余世棄捐造物未見忽
呂陽開辟邪醒目功益勒小立思其故
契理安用咄邪穢若呆恩苦障不可揭
俗遣眼清空登峯觀溟渤同功自

雙詣樵雅添新棟

近思作一書曰樵雅

乞藥

平原帖裏說干煩淡悶重將乞字翻
祇有名山容我病又緣草木扣人門
穿雲尚少沿溪獵洗藥還思挂樹猿
除了菖蒲出東澗按方都在亂花村

乍暄

東風敗雪意梅開出非料夾以臘前
花花氣雜而妙連朝集樵社一置峯頭
嘯減衣沙路輕林光轉青峭

半蓬雪

只少蓑衣蓋居然釣影灘江湖連遠
勢花事讓先殘豔在十分淡高分各樣
寒懸知西白澗後日響

飛澗

種火

衆嶺蓋一綠雜樹無分暉寒雲裹山骨石火敲不
飛青松冷無燄何以緩朝饑有待故爲煩種火良
足依飛揚抑其性覆之霜雪灰孤光永山夜非以
耀須臾

簾水

簾水抑揚吟屋角縹烟跌蕩過梅花書堆抽得山
家曆又說清明焙早茶

寒

雪白鑪灰火粒圓襪襪破衲試晴天東風的是無

情思過盡春寒撲柳綿

吳語以久雨
得晴爲試晴

黃栗留

黃栗留李花如雪桃花稠桃花紅雪李白雪栗樹
留黃搖槁葉黃栗留鳴宛轉我歌不爲鳥各歌君
自清歌幾舒卷黃栗留宛轉歌寄言千載讀書者
讀書不在多休執名言徒自訛

蝸牛耕

石牆磊塊蝸牛行且耕蝸牛慎弗耕使石牆爲田
不如苔花狎獵垂青髯汝不見西家催租吏穴牆
東家無田夜飼羊

落梅時傷耿菴

曾分寫書墨爲深暗香圖那得喚教起春崖補數
株病前吟骨瘦城角草堂孤恨我不諳畫畫來應
未殊

同青迴羽石澗洗菜歸樵堂卽事羽昨日盲

雨至自江上

搜奇石譜拈松化侵早茶筐摘雨前還寫到門新
結束蓋頭荷葉帶風偏

洗澗

舊傳洗泉法水果能洗水文石養清沙澄寒有深
理遂野欲洗澗荒言余所旨慎弗聞世人人聞洗
其耳菖蒲剪故叢石級排新齒廢書無十日功成

壯樵史與汝共勉之况有寒谿子

遂野杉寄欲識小虎丘

名亦分吳郡能無絃管愁出藍三白冷具體一磐

秋樹欠闔行路軒宜像小舟相期終秘却得免品

題休

東石澗有上白
中白下白三潭

橘香同兄至樵堂

不須重把燭識面眼明時合隱論交切彈詩罷茗

遲心隨五湖曠雲共一山奇得此終隣並梅花忍

負之

昔天界浪和尚與先師神交及來靈巖
把燭相識面見先師輓天界和尚詩

松花

不惜作雲烟從風一飄灑最好晴月中微黃在疎

瓦

半蓬病中

病恨漁船製未成半蓬風味又新更破除燈火耽

書習憶着江湖聽雨聲日記空行與甲乙澗泉隔

樹村虛盈休提老後尋山與小虎丘前久不行

秋遂至樵堂作詩漫和之

筆取溫柔想取寬江行緩出怒濤灘推蓬乍喜齋
如舫得路應嗟谷是盤紙葉飛聲忘着病燈花報
雨不勝寒句圖待汝團樵譜要就雙崖綠未闌

小茴香

似懸一幅墨暮雨亦落半片清水簾取隔名花更
奇絕異香寒翠巧莊嚴

枇杷樹

白雪耀孤豔衆花寒未醒吹香幸能永短晷若爲
停絕壁射餘翠甘蕉愧舊青祇愁濃葉影夜益一
潭星

敗絮

壞衲貧船子飄零鬪急湍蘋花搖筏屋雲朶眼絲
竿片段各生色相連亦護寒江湖烟浪濶荆棘避
非難

杜鵑花

寶言詩集
豔質層層脫春衣葉葉風名沿啼鳥得情與斷猿
通怨永蜀天夢花分桃雨紅何當悟開落滅恨曉
烟中

種菜和黃葉村莊韻

郭橐駝書術未尊賣花人似把空捫
還將朴野王
磬譜細刻平泉舊石根

同學圍棋局道斜中央四角遞萌芽
休疑漢武蟠
桃核試看崑崙別樣瓜

秋花五咏和韻

雲朶瓏璫合圍裝一聲憑賴喚朝陽
銘心絕品秋
山下珍重花圖說趙昌

雞冠花

斷雲嶺半送寒鴉孤嘯鸞音出齒牙
阮生去後孫
登杳清氣長留作渚花

鳳仙花

天寶淒涼說未休舊人憔悴蜀江頭
荒烟一片簾
前錦籬落還封夢國侯

錦纏頭

脫帽張顛草未狂軒軒華髮五陵場
江濤意氣秋

筵話帆葉乘風下馬當

老少年

曲終人在翠烟中雲母屏風隔畫櫳怕遣閒愁逐
飛絮盡情遮却斷腸紅

夾竹桃

殘雪

打合江雲淡遠岑鱗鱗漁屋曉光侵飄零天地歲
華晚頓挫溪山惜別心難得幽琴傳素質感他白
日是知音寒香嚼愛枝頭片不和梅花味已深

枸杞

聽唱昇天謠乍歇雲中吠聲仙館隣泥蟠青城喜
絕俗奴隸華山非辱身黃菊連翩金石友丹砂瑣
碎蓬萊春天隨宅荒不足歎一握頻看海外珍

蘿菔

淡薄天資喜未凋書堂衣鉢素心饒俄驚切玉刀
非異都恐峩眉雪不消結角羅成文爛爛清風吹
老骨蕭蕭相期判斷經霜味未許歌筵取次撩

雜詩

寶雲詩集
秋風試新穎吹雲作車蓋良苗仰其首乍與清陰
會勞人百年中歲月安可賴一照憔悴顏湫立澄
溪外

見張考夫舊抄農書

幸脫文字習別傳田叟書山秋靜隴首雲物涼以
舒翡翠結魚鱗風吹度高榆茨盤話晴雨互來溪
上廬柴門書月令不襲周秦餘我友古淡質未覺
昔賢殊數行讀批後聲情如與俱

幻人銅印歌

千年銅花碧天色一寸形骸銷不得幻人出幻幻
文章幻作披身稻畦式神工智短窮雕鏤枉將幻
字安心頭不如空着頭陀腹放眼江湖萬古流

檀香百合歌

梅檀林空夢天古彈丸泥小香無主子山頭白樹
婆娑地上槎枒老焉取千搖萬落秋茫茫鬱結古
香沉玉髓松根入地浪百尺淺土幽心自風矩收

起紅牙住金縷聽歌百合移
箏柱隔谷羞慚隴頭
苦香豔輪困好腸肚不信人間
謫有書葬道前身
咽塵土

白頭翁烏詞

我心如雪君不知滿頭花雪君知之
雪滿頭銅盤
淚滴白榆秋心如雪思之只有千年
竹冊天長地
久無傾絕生無苦最苦相知少珊瑚
摧顏雲絮老

看稻柝

夜不能寢聞田間
柝聲作看稻柝

秋島垂龍鞭不發悲七月良苗沐雨青如髮今年
活今年活不似上年八月禾頭沒今年憂旱上年
雨吳剛何心斫香斧何不斫盡世間大山小山磊
塊諸不平蚤遣乾坤坦如土人生有情苗有肚紛
紛哀樂元無主謝神祝神作村樂村舞雩成縛臺
閣水晶觀音金絡索何不緘藏行懼攫看稻柝更
欲畢天漢不是黃河根只是萬古農夫淚血橫天
出夜長情滿情安述

補船斧歌

補船村頭補船斧斧聲當當惱人耳惱人倍惱補
船僧補船僧無船可補江南葉脫水拍天九峯三
泖巢神仙華亭船子歌聲在只少烟漿相追攀
哀歌聲浪花去後人筆畫前人處畫學生疎烘染
澀準備烏絲募船疏釣竿手枯松栢膚如椎十指
文章無不如隨順聽船補野鴨子浮菱葉鋪

得吳郡問顧云美亦逝

十年諸老盡塔影賴孤留至竟文章厄嗚呼金石
休肩從經亂結藁定遠親收兩字浮家篆無人扁
小舟

枯桑

不信曾含錦繡機祇今憔悴豔情微天風獵獵告
殘歲田舍蕭蕭漏破扉語轉索郎清調別名叅老
衲世緣非愁心提到桑乾水躑躅并州淚一揮

白虹飲

白虹飲吳興風土田家禁田家小兒拍手呼瓦鼓
銅槃聲欲噤天吳紫鳳那可見紙剪村旗揚素錦
白虹飲歌未闕妖姿空借美人各隴首柔腸恣饜
餐飲胡不向太湖三萬六千頃清江因扣湘靈影
莫點秋原好風景

酬臞菴自笑一律臞菴舊有意名山遺蹟余
以爲單瘦古碑尤資棟實感禪林之日衰傷
異聞之不廣知我者希有懷共勉

南宋凋文獻搜奇待續燈名山君欲遍幽事老偏
能打盡古苔碣耿如秋玉繩書完放烟槃誇示補
船僧

霜樵夜至時秋岸兼樹俱病臥水堂

弟兄失意團藥病道路孤危挾複僧雨脚絲絲銷
茗盞世情黯黯對油燈筍鞭佩強尋難着秋草離
披剪未曾瑣事新晴還汝累放閒老手看飛鷹

傷兼樹

寶雲詩集
相見平生畢危湍渡病身所期親一訣不是忘師

貧語暗同門受神閒瑣事陳猶翻洞山案末句轉

嶙峋

讓臨逝余舉洞山辨愚癡齋事讓已
舌澀忽厲聲曰洞山如此我則不然

秋岸扶病返江陰霜樵同舟作詩送之

老眼模糊樹又開江上船迴翔同病話斷續住山

緣去是逢雁路恍如聽雨眠弟兄吟穩夜提著棟

磯邊

江岸麗叢竹同行擬遍看誤人淡悶疾留着水堂

寒遊子幸雙影頽牆搖數竿秋鐙尚知己對照一

編殘

題桐丘先生破荷葉小幅

破荷葉烟林縷繹衲片坼老蠹蝕書退鮮碧零碎

冷雲飛一尺水堂應有讀書牕誰惜波寒鷺鷥瘠

鷺鷥秋餓羽衣白濯足肯留塵土跡吾聞之畫家

逸品有時不用筆染墨蓮房作飛帛此法元同顛

旭格酒濡其髮髮書壁桐丘老子倒川印寫出枯

荷聲索索日觀蒲萄能合璧千年快洗丹青癖

蠶豆花謠

行田間見蠶豆花開作謠時十一月十三日也

枯桑脫葉乾槎枒禁蠶天隔三山霞舞風柳絮望
不到灑落滿村蠶豆花南園蝴蝶無消息冷翅烟
鬚歎不得誰補田園冬日題採桑風味殘春色君
不見鄰家海棠壓牆紅未開草木于今不耐寒

村居

雁過村梢夜館空椽磯西畔篠林東櫓聲續續頽

牆表人語濛濛遠霧中敲落燈花閉擊節吹來譙
鼓靜迴風出情冷味全身荷記是堯封石澗回

霜鞋不信板橋通只坐茶聲轆轤中蘚地染教天
水碧雪花點破雁來紅病須藥品還沉種老廢詩
郵不製筒提起青山徧吳越却如凍草夕陽烘

長慶上巖法姪過訪

華山剪燭幾黃葉溱渚推篷我白頭補處水雲從
硯石祖翁田地舊揚州

長慶舊籍廣陵

霜蔬一箸貧難匿

竹簡千年業要留
小待梅花傾底裏
雪簑敲凍釣船投

貽潘喜曾

各生西漢後觸眼非舊章
相逢哀古昔把卷怨秦皇
秦皇那足怨七國圖書散
不見出震輪華山殘一半
所以學多岐決在英雄資
三千年砥柱厭厭安以爲

風苦塵路黃吹昏洞庭影
板橋袖書人不憚冰溪冷
冰溪漁屋稠語短情未休
安得盡高論吐氣青山樓
葉打寒塘急茗在爐中泣
古人骨似霜歲寒誰獨立
文章古有神鍾情須後人
無情恨俗學章句集風塵

輔嗣談魯論析字解老彭
老爲藏室史此義不可輕
軒轅大神聖孔老道和鳴
異端斥二民俗學論非平
天壤有遷史茫茫讀未明
謬謂尊黃老凡例欲紛更

得靈巖僧兄書有感

卜居屢問知漂泊送藥頻煩冀永年
片瓦無來行已老千峯夢去苦思船
室中夜半當時共歲晚天寒心事連
安得掀篷石湖尾從頭傾與老兄前

夜聞雨

丁巳冬至
前一日

飛絲斜整那辨得燈暈明滅將催吟
誤人瑟瑟夜深語灑紙寥寥不住心
堦上落葉色難潤夢中江山氣未沉
畫家南宗取摩詰閣筆三更寒雨音

歲寒翼菴兄過水堂夜話其明日雞一鳴對
飯下艇子去

殘雪在瓦歷落白冷照夾烟爨黓黃五年無多顏
髮變百世極短心事長排闥難起西荒臥著書待
看雙澗香茶寒墨淡影搖壁箸筴含胡吟送章

戊午元日得句

蒙茸壞衲枯柴鉢隨例經行爆竹天未謝花銜垂
曉燭新糊牕秘煖身烟

棟花

廿四番風底自銷過時獨立類名逃道衣黯黯飄揚好古錦昏昏色樣高

淺紫濃青未寂寥村村花柳夢春遙禁蠶天氣游踪少燕子啣茸過板橋

前題自和

似枯似榮糝華木乍暗乍明靉黹天欲知春風未後句不定沉姿着雨妍

碎搗瑪瑙散花手錯認丁香隔水間相當慘紫夕陽影只有屋角洞庭山

田園雜興用喜曾韻 二首

望雨占晴準信潮射堂聲雜社歌嘈看飛雲朶低含濕似畫梅梢墨半焦花譜題窓行縝密農書教子句清寥採茶時過分秧近蛙鼓還將永晝銷

湖頭龍挂響春潮野館齊東語共嘈遜國瑣言提燕子汴梁花識憶芭蕉一簑西塞漁家金九點齊

州夢父寥料簡粘書舊蠶箔成仙脉望影曾銷

始游菁山常照寺看秋遂坐昭回閣有感詩

用其韻

擺落烟雲匹素開曉山高下一莓苔昭回欲拭冬
青淚飛白誰拈聖帚煤綠樹催教春色盡枯筇扶
着病僧來如錐共指峯頭影更話當年拔地雷

餘素許移諸藥

飛雲不依人託與草木語風條吐清氣孤鳴若相

許折爲藥一籬雁字募秋序垂花瑣亦珍結寶清
中咀點書倚決明芎苗驅鬱暑盆間小牡丹文囊
蹙吳紵灌園樂有助移藥迥前渚明朝雨色微肩
鋤門候汝

分龍日雨

烟裊溪楊暗幾重怕雷舊諺聽村農吳江記得中

秋泊細雨燈光濕紙龍

憶十年前
雨中事

月黑

月黑只聞新浪生
蜻蜓打牕落葉聲
漁乘殘雨放歌遠
鼠狎微燈作氣行

